

四庫全書

經部

欽定四庫全書

左傳杜林合注卷四十五

明 王道焜

趙如源 同編

定公二

經丙申

五年春王三月辛亥朔日有食之

無傳

○夏歸粟于

蔡

蔡為楚所圍饑之故魯歸之粟

○於越入吳

林於發聲也向曰越人今日於越復從其舊號

也越未有聞也昭定之春秋吳楚爭而後越入中國昭五年會于瑣也越常壽過始見於經而亟稱人後三十年而入吳不復稱人矣晉楚之初春秋未以敵言之戰于邲也則楚稱子矣吳楚之初春秋未以敵言之戰于

柏舉也則吳稱子矣至於吳越終春秋不以敵言之也是故越入吳書吳入越不書○六月丙申

季孫意如卒○秋七月壬子叔孫不敢卒無傳○冬晉士

鞅帥師圍鮮虞

傳五年春王人殺子朝于楚因楚亂也終閔馬父之言○夏歸粟于

蔡以周亟矜無資林亟急也以周濟蔡人之亟難矜哀蔡人之無資糧○亟紀力反

越入吳吳在楚也林乘吳之在楚而入其國也○六月季平子行東

野東野季氏邑○還未至丙申卒于房陽貨將以璆璠

斂杜璆璠美玉君所佩○璆音餘仲梁懷弗與懷亦季氏家臣

璆音煩又方煩反斂力驗反

曰改步改玉

杜昭公之出季孫行君事佩璆璠祭宗廟今定公立復臣位改君步則亦當去璆璠

陽貨欲逐之告公山不狃不狃曰彼為君也子何怨焉

杜不狃季氏臣費宰子洩也為君不欲使偕林君謂意如○狃女九反為于偽反

既葬桓子行

東野

杜桓子意如子季孫斯

及費子洩為費宰逆勞於郊桓子敬

之勞仲梁懷仲梁懷弗敬

杜懷時從桓子行輕慢子洩○勞力報反下同

子洩怒

謂陽貨子行之乎

杜行逐懷也為下陽貨囚桓子起

○申包胥以秦師

至秦子蒲子虎帥車五百乘以救楚

五百乘三萬七千五百人○乘繩證

反

子蒲曰吾未知吳道

林道猶法術也言我未知制吳之法術

使楚人先

與吳人戰而自稷會之大敗夫槩王子沂

杜稷沂皆楚地

吳人

獲遠射於柏舉

遠射楚大夫。射食亦反。又食夜反。

其子帥奔徒

杜奔徒楚散卒

以從子西敗吳師於軍祥

楚地

秋七月子期子蒲滅唐

杜從

吳伐楚故

九月夫槩王歸自立也以與王戰而敗

自立為吳王號夫槩

奔楚為堂谿氏

傳終言之

吳師敗楚師于雍澨秦師又敗吳

師吳師居麋

麋地名。麋九倫反下同

子期將焚之

林楚子期將以火攻吳師

子

西曰父兄親暴骨焉不能收又焚之不可

杜前年楚人與吳戰多死

麋中言不可并焚。暴步卜反

子期曰國亡矣死者若有知也可以歆

舊祀

杜言楚吳復楚則祭祀不廢

豈憚楚之焚之而又戰吳師敗又

戰于公壻之谿

楚地名

吳師大敗吳子乃歸囚圍輿罷圍

輿罷請先遂逃歸

杜輿罷楚大夫請先至吳而逃歸言吳唯得楚一大夫復失之所以不克

○闔音因

葉公諸梁之弟后臧從其母於吳不待而歸

罷音皮

諸梁司馬沈尹戌之子葉公子高也吳入楚獲后臧之母楚定臧棄母而歸○葉舒涉反從如字又才用反

葉公終不正視

杜不義之

○乙亥陽貨囚季桓子及公父文

伯

文伯季桓子從父昆弟也陽貨欲為亂恐二子不從故囚之○父音甫

而逐仲梁懷

林以

其不順

冬十月丁亥殺公何藐

藐季氏族

己丑盟桓子于稷

門之內

魯南城門

庚寅大誚

林誚謂違盟者當受罰。誚莊慮反。

逐公父歟及

秦遄皆奔齊

杜歟即文伯也。秦遄平子姑壻也。傳言季氏之亂。歟昌欲反。

○楚子入

于郢

吳師已歸

初鬪辛聞吳人之爭宮也曰吾聞之不讓則

不和不可以遠征吳爭於楚必有亂有亂則必歸

焉能定楚

林吳始入楚已有所爭爭而不已其勢必亂禍亂既起其勢必歸安能定楚之地。焉於

度王之奔隨也將涉於成臼

江夏竟陵縣有白水出聊屈山西南入漢。臼其久

反藍尹亶涉其帑

林亶楚大夫先在白水涉其妻。子。亶亡匪反帑音奴。

不與王

舟及寧王欲殺之

杜寧安定也。

子西曰子常唯思舊怨以敗

君何效焉王曰善使復其所吾以志前惡

林惡過也我用此以識前

日之

王賞鬪卒王孫由于王孫圉鍾建鬪巢申包胥王

孫賈宋木鬪懷

九子皆從王有大功者

子西曰請舍懷也

杜以初謀弒王

也○舍音捨又音赦

王曰大德滅小怨道也

杜終從其兄免王大難是大德

申包

胥曰吾為君也非為身也君既定矣又何求且吾尤子

旗其又為諸

林言我乞師於秦王欲為君救難非以為身求賞今君既已安定在我又復何求且

我常以子旗為過其可又為子旗所為以自速禍杜子

旗蔓成然也

以有德于平王求欲無厭平王殺之在昭

十四年○為君為身于偽反

遂逃賞王將嫁季芊季芊辭曰所以為

女子遠丈夫也鍾建負我矣

林前年楚大夫鍾建負季芊以從奔鄆。遠于萬反。

以妻鍾建以為樂尹

杜司樂大夫。妻七計反。

王之在隨也子西為

王輿服以保路國于脾洩

杜脾洩楚邑也。失王恐國人潰散故偽為王車服立國脾

洩以保安道路人

聞王所在而後從王王使由于城麋

杜於麋築城

復命子西問高厚焉弗知子西曰不能如辭

杜言自知不能當辭

勿城不知高厚小大何知

林築城尚不知其高厚小大之數當復與知何事對

曰固辭不能子使余也人各有能有不能王遇盜於雲

中余受其戈其所猶在

杜其被傷處猶在

袒而視之背曰此余

所能也脾洩之事余亦弗能也

傳言昭王所以復國有賢臣也。○祖音但

○

晉士鞅圍鮮虞報觀虎之役也

三年鮮虞獲晉觀虎

經

丁酉

六年春王正月癸亥鄭游速帥師滅許以許男斯

歸

杜游速大叔子林斯執元公成立

○二月公侵鄭

林自宣之季年凡伐不言公魯無君

將者八十年矣至是書侵鄭則以公出不狃侯犯陽虎之專也故曰改逮于大夫四世矣故夫三桓之子孫微矣

公至自侵鄭

無傳

○夏季孫斯仲孫何忌如晉○秋晉

人執宋行人樂祁犁

稱行人言非其罪

○冬城中城

無傳公為晉侵鄭故

懼而城之

○季孫斯仲孫忌帥師圍鄆

杜無傳何忌不言何闕文鄆戴於齊故圍

之○鄆

音運

傳六年春鄭滅許因楚敗也

林因楚敗故滅其與國

○二月公侵

鄭取匡為晉討鄭之伐胥靡也

杜胥靡周地也周儋翩因鄭人以作亂鄭為之

伐胥靡故晉使魯討之匡鄭地取匡不書歸之晉○為于偽反

往不假道於衛及還陽虎

使季孟自南門入出自東門

陽貨將逐三桓欲使得罪於鄰國

舍於豚

澤衛侯怒使彌子瑕追之

彌子瑕衛嬖大夫

公叔文子老矣

杜文

子公叔發輦而如公曰尤人而效之非禮也

林尤責也責人過而倣效其

所為知禮者

昭公之難君將以文之舒鼎

衛文公之鼎○難乃旦反

宜不為此

成之昭兆

杜寶龜

定之鞶鑑

杜鞶帶而以鏡為飾也今西
方羌胡猶然古之遺服○鞶

步丹反

苟可以納之擇用一焉公子與二三臣之子諸侯

苟憂之

林諸侯苟有
憂恤魯侯者

將以為之質

林為質求納魯
昭公○質音致

此羣

臣之所聞也今將以小忿蒙舊德

蒙覆也

無乃不可乎大

姒之子

大姒文王妃
○大音泰

唯周公康叔為相睦也而效小人

以棄之不亦誣乎天將多陽貨之罪以斃之

林陽虎本
有罪天意

又欲甚其罪而後斃陪之
言此不假道皆陽貨所為

君姑待之若何乃止

杜止不
伐魯師

○夏季桓子如晉獻鄭俘也

獻此春取
匡之俘

陽貨強使孟懿

子往報夫人之幣

虎欲困辱三桓并求媚於晉故強使正卿報晉夫人之聘。強其文反。

晉人蕪享之

杜賤魯故不復兩設禮明經所以不備書

孟孫立于房外

杜孟孫即

孟懿子立於更衣房之外

謂范獻子曰陽貨若不能居魯而息肩於

晉所不以為中軍司馬者有如先君

林息肩猶任重者止息其蕪擔之勞

此言陽貨不能任重於魯而求息肩於晉若為陽貨請晉必處之以中軍司馬之官杜稱先君以徵其言若欲使晉必厚待之

獻子曰寡君有官將使其人

杜擇得其人

鞅何知焉

獻子謂簡子曰魯人患陽貨矣孟孫知其釁以為必適

晉故強為之請以取入焉

杜欲令晉人聞虎當逃走故強設請託之辭因此言以入

晉令晉素知之
○為之于偽反

○四月己丑吳大子終纍敗楚舟師杜

纍闔廬子夫差兄舟師水
戰○纍力追反又力軌反

獲潘子臣小惟子

二子楚舟師之帥○

惟位悲反本又
作惟亦如字

及大夫七人楚國大惕懼亡子期又以

陵師敗于繁揚

杜陵師陸軍林以上文有舟師故以陵師別之

令尹子西喜曰

乃今可為矣

言知懼而後可治

於是乎遷郢於都

林改都為郢故曰遷郢於

都○都音若

而改紀其政

林改其政而新之紀其政而理之

以定楚國

傳言楚賴

子西以安

○周儋翩率王子朝之徒因鄭人將以作亂于周

杜儋翩子朝餘黨

鄭於是乎伐馮滑胥靡負黍狐人闕外

杜鄭伐周

六邑在魯伐鄭取匡前於此見者為戍周起
也陽城縣西南有負黍亭。見賢通反下同。六月晉閻

沒戍周且城胥靡

杜為下天王出君姑猶起

○秋八月宋樂祁言於

景公曰諸侯唯我事晉今使不往晉其憾矣樂祁告其

宰陳寅

杜以與公言告之。使所吏反。

陳寅曰必使子往他日公謂樂

祁曰唯寡人說子之言子必往陳寅曰子立而後行

寅知

晉政多門往必有難故使樂祁立後而行。說音悅。

吾室亦不亡

林已為先人立後故雖身死不

亡其家

唯君亦以我為知難而行也

林亦使宋君知樂祁此行為不易

見

溷而行

杜溷樂祁子也見于君立以為後。溷侯溫反又侯困反。

趙簡子逆而飲之

酒於縣上獻楊楮六十於簡子

林楮干楮也以楊木為之。飲於鵠反楮食允

反又音允

陳寅曰昔吾主范氏今子主趙氏又有納焉以楊

楮賈禍弗可為也已

林納猶獻也寅知范氏必怨將得禍。賈音古

然子死晉

國子孫必得志於宋

杜以其為國死

范獻子言於晉侯曰以君

命越疆而使未致喪而私飲酒不敬二君不可不討也

乃執樂祁

杜獻子怒祁比趙氏經所以稱行人。使所吏反下同

○陽虎又盟公

及三桓於周社盟國人于亳社詛于五父之衢

傳言三桓微陪

臣專政為八年陽虎作亂

○冬十二月天王處于姑蕢

起。詛側應反。父音甫。

左傳杜林合注

杜姑猶
周地

辟詹翩之亂也

杜為明年單
劉逆王起

經戊戌七年春王正月○夏四月○秋齊侯鄭伯盟于鹹

杜衛地林此特相盟也特相盟自齊桓以來未之有也
於是再見諸侯無主盟矣是故書石門以志諸侯之合

書鹹以志諸侯之散
此春秋之終始也○齊人執衛行人北宮結以侵衛

稱行人非
使人之罪齊侯衛侯盟于沙
杜結叛晉也陽平元
城縣東南有沙亭○大

雩
無傳
過也○齊國夏帥師伐我西鄙
夏國
佐孫○九月大雩
無傳

也過○冬十月

傳七年春二月周詹翩入于儀栗以叛
儀栗周邑○齊人歸

鄆陽闕陽虎居之以為政

杜鄆陽闕皆魯邑中貳於齊齊今歸之不書虎專之 ○

夏四月單武公

穆公

劉桓公

文公

敗尹氏于窮谷

杜尹氏復

黨僭翩共為亂也

○秋齊侯鄭伯盟于鹹徵會于衛

杜徵召也

衛侯

欲叛晉

杜屬齊鄭也

諸大夫不可使北宮結如齊而私於齊

侯曰執結以侵我

欲以齊師懼諸大夫

齊侯從之乃盟于瑣

瑣即沙也

為明年涉佗援衛侯手起

○齊國夏伐我

杜齊叛晉故

陽虎御季桓子公

飲處父御孟懿子

杜處父孟氏家臣成宰公飲陽。飲力檢反又音廬

將宵軍齊

師

林將乘夜以攻齊師

齊師聞之墮伏而待之

杜墮毀其軍以誘敵而設伏兵將夾

擊之。墮許規反。

處父曰：處不圖禍而必死。

林言陽虎汝不圖度禍難以攻齊師。

汝必當死而女也。

苦夷曰：虎陷二子於難。

杜苦夷季氏家臣二子季孟。苦始占反。

難乃不待有司，余必殺女。

不待魯之有司討治汝罪。虎余必先自殺汝。女音汝。

懼乃還不敗。

傳言陪臣強能自相制，季孟不敢有心。

○冬十一月戊午，單

子劉子逆王于慶氏。

杜慶氏，字姑，猶大夫。天王前年出居於此，故單劉逆王以歸。

晉

籍秦送王已巳，王入于王城。

杜已巳十二月五日有日，無月。

館于公族。

黨氏

杜黨氏，周大夫。黨音掌。

而後朝于莊宮。

杜莊王廟也。

經已八年春，王正月，公侵齊。

報前年伐我西鄙。

公至自侵齊。

無傳。

○二月公侵齊

杜未得志故林見魯之後於棄晉也

三月公至自侵齊

無傳

○曹伯露卒

杜無傳四年盟卓鮒林靖公卒子伯陽立

○夏齊國夏師師伐

我西鄙○公會晉師于瓦

杜瓦衛地將來救魯公逆會之東郡燕縣東北有瓦亭林

不曰會士鞅而曰會晉師重師也鞅之戰公會晉師于上隕不書諱之也四卿並將而以禽鄭自師逆公三家之張成於此矣故諱之也於是齊師伐我晉士鞅趙鞅荀寅救我公會晉師于瓦勿諱可也公至自

瓦

無傳

○秋七月戊辰陳侯柳卒

杜無傳四年盟臯鼫林懷公卒子閔公越立

○晉士鞅帥師侵鄭遂侵衛

杜兩事故曰遂林此其言遂何晉始伐與國也於襄

之二十三年齊始叛晉取朝歌去年鄭始叛晉盟齊于鹹衛始叛晉盟齊于沙于是侵鄭衛又明年及齊平雖

魯亦叛晉矣
故悉書之也

○葬曹靖公

無傳

○九月葬陳懷公

無傳三月而葬

連

○季孫斯仲孫何忌帥師侵衛○冬衛侯鄭伯盟于

曲濮

杜無傳結叛晉曲濮衛地○濮音卜

○從祀先公

杜從順也先公閔公僖公也將正二

公之位次所順非一親盡故通言先公林陽虎欲去三桓而為此也

○盜竊寶玉大弓

杜

謂陽虎也家臣賤名氏不見故曰盜竊寶玉大弓魯無人之辭大弓封父之繁弱林書曰盜竊寶玉大弓魯無人之辭也是故陪臣叛皆不書書陽虎為盜是治陪臣也君子之作春秋治至於陪臣斯極矣

傳八年春王正月公侵齊門于陽州

杜攻其門

士皆坐列

言無

志闕曰顏高之弓六鈞

顏高魯人三十斤為鈞六鈞百八十斤古稱重故以為異強

皆

取而傳觀之陽州人出顏高奪人弱弓籍丘子鉏擊之

與一人俱斃

杜子鉏齊人斃仆也。傳直專反。

偃且射子鉏

林顏高雖為子鉏所

擊偃仆在地猶射子鉏。射食亦反下同。

中頰殪

杜子鉏死林見顏高有力善射。中丁仲反下同。

顏息射人中脅

顏息魯人

退曰我無勇吾志其目也

林言志射其目

乃誤中眉蓋謙以自矜

師退冉猛偽傷足而告

杜猛魯人欲先歸

其兄會

乃呼曰猛也

杜會見師退而猛不在列乃大呼詐言猛在後為殿傳言魯無軍政。殿丁電

反

○二月己丑單子伐穀城劉子伐儀栗

杜討僭翩之黨穀城在河

南縣西。○

辛卯單子伐簡城劉子伐孟

林亦討僭翩之黨

以定

王室

傳終王
室之亂

○趙鞅言於晉侯曰諸侯唯宋事晉好逆

其使猶懼不至今又執之是絕諸侯也將歸樂祁士鞅

曰

林即范獻子○好
呼無反使所吏反

三年止之無故而歸之宋必叛晉

林執祁在六年故曰三年止
之宋不求晉是無故而歸之

獻子私謂子梁

杜獻子范
鞅子梁樂

祁

曰寡君懼不得事宋君是以止子子姑使溷代子

杜溷

樂祁子○溷侯
溫反又侯因反

子梁以告陳寅陳寅曰宋將叛晉是棄

溷也不如待之

林言宋怨晉勢將背叛如宋必叛而以
溷自代是棄之也不如且自留晉以待

其定勿以
子自代

樂祁歸卒于大行

杜大行晉東南山○大
音泰行戶郎反一音衛

士

鞅曰宋必叛不如止其尸以求成焉乃止諸州

州晉地為明年

宋公使樂大心如晉張本

○公侵齊攻廩丘之郭

杜郭也

主人焚衝

杜衝

戰車林此蓋齊人焚魯攻廩丘者之戰

車○衝昌容反說文作幢云陷陣車也或濡馬褐以救

之

杜馬褐馬衣

遂毀之

杜毀郭

主人出

林廩丘人出戰

師奔

杜攻郭人少故遣後

師走往助之

陽虎偽不見冉猛者曰猛在此必敗

杜陽州之役猛先歸

言若在此必復敗

猛逐之顧而無繼偽顛

林冉猛聞言怒逐廩丘人反顧莫有繼其

後者復偽顛仆而止

虎曰盡客氣也

杜言皆客氣非勇

苦越生子將待事

而名之

杜苦越苦夷○苦式占反

陽州之役獲焉

林苦夷獲俘焉

名之曰陽

州欲自此
僑如

○夏齊國夏高張伐我西鄙

杜報上
二侵

晉士鞅

趙鞅荀寅救我

杜救不書齊師
已去未入竟

公會晉師于瓦范獻子

執羔趙簡子中行文子皆執雁魯於是始尚羔

杜獻子
士鞅也

簡子趙鞅也中行文子荀寅也禮卿執羔大夫執雁魯則同之今始知執羔之尊也卿不書禮不敵公史略之

○行戶

○晉師將盟衛侯于剌澤

杜自瓦還就衛地盟
○剌音專又市轉反

趙簡子曰羣臣誰敢盟衛君者

前年衛叛晉屬齊
簡子意欲推辱之

涉佗

成何曰我能盟之

二子晉大夫
佗徒何反

衛人請執牛耳

盟禮尊
者泄牛

耳主次盟者衛侯與晉大夫
夫盟自以當泄牛耳故請

成何曰衛吾溫原也焉得視

諸侯

杜言衛小可比晉縣不得從諸侯禮。馬於虔反。

將軟涉佗投衛侯之手

及挽

杜投擠也。血至挽。軟所治反。挽子對反。挽烏喚反。

衛侯怒王孫賈趨進

杜賈

衛大夫

曰盟以信禮也

信猶明也。

有如衛君其敢不唯禮是事

而受此盟也

言晉無禮不欲受其盟。

衛侯欲叛晉而患諸大夫王

孫賈使次于郊大夫問故

杜問不入故。

公以晉詬語之

杜詬恥也。

○詬呼豆反。語魚據反。

且曰寡人辱社稷其改卜嗣寡人從焉

杜使

改卜他公子以嗣先君我從大夫所立。

大夫曰是衛之禍豈君之過也公

曰又有患焉謂寡人必以而子厚與大夫之子為質

杜為質於

晉○質音致下同

大夫曰苟有益也公子則往羣臣之子敢不

皆負羈縲以從

林羈馬絡頭縲馬纏也言從公子之賤役。縲息列反從才用反下同

將

行王孫賈曰苟衛國有難工商未嘗不為患使皆行而

後可

林言苟衛國有侵伐之禍難亦未嘗不為工商之患使工商皆行欲激國人使皆怒。難乃旦反

公以告大夫乃皆將行之行有日

有期日

公朝國人使賈

問焉曰若衛叛晉晉五伐我病何如矣皆曰五伐我猶

可以能戰

林尚可竭其材能以戰

賈曰然則如叛之病而後質焉

何遲之有乃叛晉晉人請改盟弗許

林晉亦自悔無禮故請改盟

○

秋晉士鞅會成桓公侵鄭圍蟲牢報伊闕也

杜桓公周卿士不書監帥

不親侵也六年鄭伐周闕外晉為周報之

遂侵衛

杜討叛

○九月師侵衛晉故

也魯為晉討衛

○季寤

李桓子之弟

公鉏極

杜公彌曾孫桓子族子

公山不

狃

杜費宰狃女九反

皆不得志於季氏叔孫輒無寵於叔孫氏

輒叔孫氏之庶子

叔仲志不得志於魯

志叔孫帶之孫皆為國人所薄

故五人

因陽虎陽虎欲去三桓

林孟叔李三族皆出自桓公號三桓

以季寤更季

氏

杜代桓子○更音庚舊古孟反下同

以叔孫輒更叔孫氏

杜代孟叔

已更孟

氏

杜陽虎自代懿子

冬十月順祀先公而祈焉

杜將作大事欲以順祀取媚

辛卯禘于僖公

辛卯十月二日不於大廟者順祀之義當退僖公懼於僖神故於僖廟行順祀

壬辰將享季氏于蒲圃而殺之戒都車曰癸巳至

杜都邑之

兵車也陽虎欲以壬辰夜殺季孫明日癸巳以都車攻二家

成宰公歛處父告孟孫

曰季氏戒都車何故孟孫曰吾弗聞處父曰然則亂也

必及於子先備諸與孟孫以壬辰為期

處父期以兵救孟氏壬辰先癸

已一日陽虎前驅林楚御桓子虞人以鉞盾夾之

林鉞劒也盾干

櫓也虞人之官以鉞盾夾衛桓子鉞普皮反盾食允反又音允

陽越殿

越陽虎從弟殿丁見反

將如蒲圃桓子咋謂林楚

林咋暫也季桓子覺其景象頓異乃咋謂林楚。咋仕詐

反曰而先皆季氏之良也

林而汝也言汝之先人皆季氏之良大夫也

爾以

是繼之

杜欲使林楚免已於難以繼其先人之良

對曰臣聞命後

杜後猶晚也

陽

虎為政魯國服焉違之徵死

林若違之必速召其死

死無益於主

桓子曰何後之有

林言未為差晚

而能以我適孟氏乎對曰不

敢愛死懼不免主桓子曰往也

言必往

孟氏選園人之壯

者三百人以為公期築室於門外

杜實欲以備難不欲使人知故偽築室於

門外因得聚衆公期孟氏支子○為子偽反

林楚怒馬及衢而騁

林林楚乃激怒其馬

及通達之衢而馳騁以走孟氏

陽越射之不中築者闔門

杜季孫既得入乃閉門○

射食亦反下

有自門間射陽越殺之陽虎刼公與武叔

同中丁仲反

杜武叔叔孫不以伐孟氏公斂處父帥成人自上東門

敢之子州仇也

入林處父與孟氏期以壬辰故帥成

與陽氏戰于南門

之內弗勝又戰于棘下

杜城內地名

陽氏敗陽虎說甲如公

宮

林示無所畏說他活反

取寶玉大弓以出舍于五父之衢寢而

為食其徒曰追其將至虎曰魯人聞余出喜于徵死何

暇追余

杜徵召也陽虎召季氏於蒲圃將殺之今得脫必喜故言喜於召死

從者曰嘻速

駕公斂陽在

杜嘻懼聲林公斂陽即處父言其必來追已○嘻許其反

公斂陽請追

之孟孫弗許

杜畏陽虎

陽欲殺桓子

杜欲因亂討季氏以強孟氏

孟孫懼

而歸之

杜不取殺

子言辨舍爵於季氏之廟而出

杜子言季寤辨猶周

徧也徧告廟飲酒示無懼。辨音徧

陽虎入于謹陽關以叛

杜叛不書略家臣。謹音

歡

○鄭駟歆嗣子大叔為政

杜歆駟乞子子然也為明年殺鄭析張本。歆市專反

經庚子

九年春王正月。夏四月戊申鄭伯蠆卒

杜無傳四年盟

臯鼬林獻公卒子聲公勝立。蠆勅邁反

○得寶玉大弓

弓玉國之分器得之足以為榮失之

足以為辱故重而書之

○六月葬鄭獻公

無傳三月而葬速

○秋齊侯衛

侯次于五氏

杜五氏晉地不書伐者諱伐盟主以次告林外會書次自厥貉以來未之有也於是

再見其再見何中國無伯也齊衛伐盟主則其不書伐何春秋重絕晉也於襄之二十三年嘗書齊伐晉至是而不書何齊始叛晉諸侯猶有盟主也前年鄭叛晉盟齊于鹹衛叛晉盟齊于沙明年及齊平魯亦叛晉諸侯無盟主矣有盟主非美事也無盟主非細故也是故春秋重絕晉也○秦伯卒杜無傳不書名未同

盟林哀公卒
孫惠公立
○冬葬秦哀公無傳

傳九年春宋公使樂大心盟于晉且逆樂祁之尸辭偽

有疾乃使向巢如晉盟且逆子梁之尸

林巢向戌曾孫子梁即樂祁

子明謂桐門右師出

杜子明樂祁之子濶也右師樂大心子明族父也右師往到子明舍

子明逐使出門去

曰吾猶衰經而子擊鐘何也

忿其不逆父喪因責其無同族

之恩。○衰
七雷反

右師曰喪不在此故也

林言樂祁之喪未歸故不廢樂既而

告人曰已衰經而生子余何故舍鐘

杜已子明也林言生子罪重不廢樂

罪輕。舍音捨

子明聞之怒言於公曰右師將不利戴氏

樂氏戴公

族

不肯適晉將作亂也不然無疾乃逐桐門右師

逐之在明

年終叔孫昭子之言

○鄭駟歆殺鄧析而用其竹刑

杜鄧析鄭大夫欲改鄭所

鑄舊制不受君命而私造刑法書之於竹簡故言竹刑

君子謂子然於是不忠子

然即駟歆謂其殺賢能不忠於國

苟有可以加於國家者棄其邪可也

杜加猶益也棄不責其邪惡也。邪似嗟反

靜女之三章取彤管焉

杜詩聊風也言

靜女三章之詩雖說美女意在形管竿旄何以告之取

其忠也

杜詩廊風也錄竿旄詩者恥其中心願告人以善道也言此二詩皆以一善見采而鄧析不以

善存身

故用其道不棄其人

林以其道可為世用如形管素絲之類則說憚美女彼姝

者子皆不可棄

詩云蔽芾甘棠勿翦勿伐召伯所茇

杜詩召南也召伯決

訟於蔽芾甘棠之下詩人思之不伐其樹茇草舍也。芾方味反召音邵茇畔末反

思其人猶愛

其樹况用其道而不恤其人乎子然無以勸能矣

傳言子然

嗣大叔為政鄭所以衰弱

○夏陽虎歸寶玉大弓

無益近用而祇為名故歸之

書

曰得器用也凡獲器用曰得

杜器用者謂物之成器可為人用者也

得用

焉曰獲

謂用罷物以有獲若麟為田獲俘為戰獲

六月伐陽闕

討陽虎也

陽虎使

焚萊門

陽闕邑門

師驚

林魯師見大起故驚

犯之而出

林陽虎犯師而出

奔齊

請師以伐魯曰三加必取之

杜三加兵於魯

齊侯將許之鮑文

子諫曰臣嘗為隸於施氏矣

杜施氏魯大夫文子鮑國也成十七年齊人召而立

之至今七十四歲於是文子蓋九十餘矣

魯未可取也上下猶和衆庶猶睦

能事大國

杜大國晉也

而無天菑若之何取之陽虎欲勤齊

師也齊師罷大臣必多死亡已於是乎奮其詐謀

林陽虎之

意但欲勤勞齊師耳齊師疲敝卿大夫必多死於戰鬪始欲奮其詐謀以圖齊國

夫陽

欽定四庫全書

左傳杜林合注

十一

虎有寵於季氏而將殺季孫以不利魯國而求容焉杜求

自容親富不親仁

林惟親富人以圖其利不親仁人以圖其道

君焉用之君富

於季氏而大於魯國茲陽虎所欲傾覆也魯免其疾陽林

虎出奔魯得免其疾害○焉於度反覆芳服反

而君又收之無乃害乎齊侯執

陽虎將東之陽虎願東

陽虎欲西奔晉知齊必反已故詐以東為願

乃囚諸

西鄙盡借邑人之車鑿其軸麻約而歸之

杜鑿刻也林陽虎盡借所

居邑人之車刻其軸使易毀折以麻約縛刻處而歸之其主欲絕追者○鉞苦結反

戴葱靈寢於

其中而逃

林葱靈輜車名蓋車之有障蔽者○葱初江反

追而得之囚於齊又

以惹靈逃奔宋遂奔晉適趙氏仲尼曰趙氏其世有亂

乎

杜受亂人故

○秋齊侯伐晉夷儀

為衛討也

敝無存之父將室

之辭以與其弟

杜無存齊人也室之為取婦林無存辭不願娶以所娶室先與其弟

曰此

役也不死反必娶於高國

杜高氏國氏齊貴族也無存欲必有功還娶卿相之女

先登求自門出死於霑下

杜既入城夷儀人不服故鬪死於門屋霑下也○霑力又

反

東郭書讓登

杜登城非人所樂故讓衆使後而已先登

犂彌從之曰子讓

而左我讓而右使登者絕而後下

林子謂東郭書讓衆而立於城之左我犂

彌自稱讓衆而立於城之右使登城者盡終而後下入城蓋彌恐書先下故又謫以讓之

書左彌先

下

杜書從彌言左行彌遂自先下亦讓也

書與王猛息

林王猛齊人戰訖共止息

猛曰

我先登書歛甲曰曩者之難今又難焉

杜歛甲起欲擊猛林言昔

者有登城之難今又有王猛之難○難乃旦反

猛笑曰吾從子如驂之靳

杜靳車中

馬也猛不敢與書爭言已從書如驂馬之隨靳也傳言齊師和所以能克○靳居覲反

晉車千乘

在中牟

杜救夷儀也今滎陽有中牟縣迴遠疑非也○乘繩證反

衛侯將如五氏

齊侯

在五氏將往助之

卜過之龜焦

衛至五氏道過中年畏晉故卜龜焦兆不成不可以行事也

衛侯曰可也衛車當其半寡人當其半敵矣

林衛侯怒晉甚不復

顧卜故言可也衛之兵車當晉五百乘自欲以身當五百乘其數可以相敵矣

乃過中牟中牟

人欲伐之衛褚師圍亡在中年

林褚師圍衛舊大夫時已奔在中年○褚中呂

反

曰衛雖小其君在焉未可勝也齊師克城而驕其帥

又賤

杜城謂夷儀也帥謂東郭書林非命卿故賤○帥所類反

遇必敗之不如從齊

乃伐齊師敗之

獲齊車五百乘事見哀十五年

齊侯致襍媚杏於衛

杜

邑皆齊西界以答謝衛意○襍諸若反杏戶猛反

齊侯賞犂彌犂彌辭曰有先

登者臣從之暫幘而衣貍製

杜暫白也幘齒上下相值製裘也○幘音策又音責

衣於既反

公使視東郭書曰乃夫子也

林夫子謂東郭書

吾貺子

杜

賜也公賞東郭書辭曰彼賓旅也

林彼謂犂彌杜言彼與我若賓主相讓旅俱進

退

乃賞犂彌齊師之在夷儀也齊侯謂夷儀人曰得敝

無存者以五家免

給其五家令常不共役事

乃得其尸公三禭之

禭衣

也比殯三加

與之犀軒與直蓋

杜犀軒卿車直蓋高蓋

而先歸之

林先歸敝

坐引者以師哭之

杜停喪車以盡哀也君方為位而哭故挽喪者不敢

親推之三

齊侯自推喪車輪三轉推如字又他回反

左傳杜林合注卷四十五

欽定四庫全書

經部

左傳杜林合注卷

四十六至
五十一

詳校官監察御史_臣祝德麟

給事中_臣溫常綬覆勘

總校官編修_臣王燕緒

校對官中書_臣牛稔文

膳錄監生_臣趙寅

欽定四庫全書

左傳杜林合注卷四十六 明

王道焜

趙如源 同編

定公三

經

辛丑

十年春王三月及齊平

平前八年再侵齊之怨

○夏公會齊

侯于夾谷

杜平故林夾谷齊地孔子相。夾古洽反又古協反

公至自夾谷

無傳

晉趙鞅帥師圍衛

林報夷儀也

○齊人來歸鄆讎龜陰田

杜三

邑皆文陽田也泰山博縣北有龜山陰田在其北也會夾谷孔子相齊人服義而歸魯田林未有言來歸田者

言來歸鄆。謹龜陰田以是為齊人之願也。濟西言取謹。闡言取鄆。謹龜陰田不言取以是為齊人之願。則以夫子相夾谷之會也。○叔孫州仇仲孫何忌帥師圍郕。郕音運。謹火官反。

郕叔孫氏邑。○郕音后。

○秋叔孫州仇仲孫何忌帥師圍郕。○宋

樂大心出奔曹。

杜傳在前年春書名。罪其稱疾不適晉。

○宋公子地出奔

陳。

杜貪弄馬以距君。命書名罪之也。

○冬齊侯衛侯鄭游速會于安甫。

無傳安甫地闕。

○叔孫州仇如齊。○宋公之弟辰暨仲佗石彊

出奔陳。

杜豎與也。宋公寵向魋不聽辰請。辰忿而將大。臣出奔。虛請自忿。稱弟示首惡也。仲佗石彊皆

為國卿不能匡君靖難而為辰所牽帥出奔。稱名亦罪之也。○佗徒何反。彊苦侯反。

傳十年春及齊平。夏公會齊侯于祝其，實夾谷。

杜夾谷即

祝其

孔丘相

相會儀也。相息亮反。

犁彌言于齊侯

林犁彌前年夷儀讓登者

曰：孔丘知禮而無勇，若使萊人以兵劫魯侯，必得志焉。

萊人齊所滅萊夷也

齊侯從之。孔丘以公退，曰：「士兵之

林令士官以兵擊萊

人兩君合好而裔夷之俘以兵亂之。

杜裔遠也。萊已滅，故言遠夷之俘。

好呼報反下同

非齊君所以命諸侯也。裔不謀夏，夷不亂華，俘

不干盟，兵不偪，好於神為不祥。

林盟將告神，犯之為不善。

於德為愆

義於人為失禮，君必不然。

林齊君本心必不如此。

齊侯聞之，遽辟。

之

杜辟去萊兵也。辟婢亦反又音避。

將盟齊人加於載書曰齊師出竟

而不以甲車三百乘從我者

林三百乘二萬二千五百人。竟音境乘繩證反。

有如此盟

如此盟詛之禍。

孔丘使茲無還揖對

無還魯大夫還音旋。

曰

而不反我汶陽之田吾以共命者亦如之

林汶陽田即鄆謹龜陰田

杜須齊歸汶陽田乃當共齊命於是孔子以公退賤者終具事要盟不潔故略不書。共音恭。

齊侯將

享公孔丘謂梁丘據曰齊魯之故吾子何不聞焉

杜故舊典

事既成矣

杜會事成

而又享之是勤執事也且犧象不出門

嘉樂不野合

杜犧象酒器犧尊象尊也嘉樂鐘磬也林禮器用於朝廷宗廟不可出於國門禮樂

設於朝廷宗廟不可合於原
野○穢許宜反又息倚反
享而既具是棄禮也若其

不具用秕稗也

杜批穀不成者稗草之似穀者言享不具禮穢薄若秕稗○秕音鄙稗皮賣反

用秕稗君辱棄禮名惡

林若禮不成如用秕稗是辱兩君也若禮成而棄其舊典是取

惡名子盍圖之夫享所以昭德也不昭不如其已也乃

不果享

孔子知齊侯懷詐故以禮距之

齊人來歸鄆謹龜陰之田

陽虎九年

以此奔齊經文倒者次魯事

○晉趙鞅圍衛報夷儀也

杜前年齊為衛伐晉夷儀

故伐衛以為報

初衛侯伐邯鄲午於寒氏

杜邯鄲廣平縣也午晉邯鄲大夫寒氏即

五氏也前年衛人助齊伐五氏○邯音寒鄲音丹

城其西北而守之宵燿

午衆宵散

○燭子及晉圍衛午以徒七十人門於衛西門殺人於

替反

門中

林衛開門與午鬪故殺人於門中

曰請報寒氏之役涉佗曰夫子

則勇矣然我往必不敢啓門

林夫子謂邯鄲午殺人門中可謂勇矣然我若往攻

其門衛人必不敢開門與我鬪。佗徒河反

亦以徒七十人旦門焉步左右

皆至而立如植

杜至其門下步行門左右然後立待如立木不動以示整

日中不啓

門乃退反役

林圍衛反役

晉人討衛之叛故曰由涉佗成何

於是執涉佗以求成於衛

林涉佗援衛侯手成何比衛溫原以援手罪重故獨執佗

衛人不許晉人遂殺涉佗成何奔燕君子曰此之謂棄

禮必不鈞

杜言必見殺不得與人等

詩曰人而無禮胡不遄死涉佗

亦遄矣哉

杜詩鄘風遄速也

○初叔孫成子欲立武叔公若藐

固諫曰不可

林成子即叔孫不敢武叔即叔孫州仇藐叔孫氏之族

成子立之而

卒公南使賊射之不能殺

林公南叔孫家臣武叔之黨使賊射公若藐○射食亦反

下同公南為馬正使公若為郈宰武叔既定使郈馬正侯

犯殺公若弗能其圉人曰

杜武叔之圉人

吾以劔過朝公若必

曰誰之劔也吾稱子以告必觀之吾偽固而授之末則

可殺也

杜偽為固陋不知禮者以劔鋒末授之

使如之公若曰爾欲吳王

我乎

杜見劔向已逆呵之縛諸殺吳王亦用劔刺之

遂殺公若郈犯以郈叛

杜犯

以不能副武叔之命故叛叛而以圍告廟故書圍

武叔懿子圍郈弗克秋二子

及齊師復圍郈弗克叔孫謂郈工師駟赤

杜工師掌工匠之官

曰

郈非唯叔孫氏之憂社稷之患也將若之何對曰臣之

業在揚水卒章之四言矣

杜揚水詩唐風卒章四言曰我聞有命

叔孫稽

首

杜謝其受已命

駟赤謂侯犯曰居齊魯之際而無事必不可

矣

林言郈邑居齊魯之間既叛魯又不事齊必不可以久存

子盍求事於齊以臨民

不然將叛侯犯從之齊使至駟赤與郈人為之宣言於

郕中

杜詐為齊使言也。使所吏反為于偽反。

曰侯犯將以郕易于齊齊人

將遷郕民

杜為易其民人。

衆兇懼

杜不欲遷。兇音凶又凶勇反。

駟赤謂侯犯

曰衆言異矣

杜不與始同。

子不如易於齊與其死也猶是郕

也而得紓焉何必此

杜言以郕民易取齊人與郕無異勝于守郕為叛人所殺。

齊人

欲以此偪魯必倍與子地

杜言非徒得民又將得齊地。○倍步罪反。

且盍多

舍甲于子之門以備不虞侯犯曰諾乃多舍甲焉侯犯

請易于齊齊有司觀郕

林齊使有司觀郕度其虛實。

將至駟赤使周

走呼曰齊師至矣郕人大駭介侯犯之門甲以圍侯犯

林介固也因侯犯之駟赤將射之杜偽為侯侯犯止之犯射邱人

曰謀免我杜言且思謀免我於禍侯犯請行許之許之邱人駟赤先如

宿宿東平無鹽縣故宿國侯犯殿每出一門邱人閉之開其後門

反及郭門止之曰子以叔孫氏之甲出有司若誅之羣

臣懼死林子謂侯犯帶叔孫氏之甲以出奔有司若誅責其數羣臣恐得死罪駟赤曰叔

孫氏之甲有物吾未敢以出杜物識也赤還救侯犯也林言叔孫之甲自有識別

我未嘗敢以之出奔犯謂駟赤曰子止而與之數數甲以相付駟

赤止而納魯人林納魯圍邱之師侯犯奔齊齊人乃致邱致其名簿

也為下武
叔如齊傳

○宋公子地嬖遽富獵

杜地宋景公弟辰之兄也

十一分

其室而以其五與之

杜與富獵也

公子地有白馬四公嬖向

魍魎欲之

杜向魍魎也

公取而朱其尾鬣以與之

杜與魍魎也○鬣

力虬反
馬鬣也

地怒使其徒扶魍而奪之魍懼將走公閉門而

泣之目盡腫母弟辰曰子分室以與獵也而獨卑魍亦

有頗焉

林子謂地以五分家財與富獵獨愛四馬不與向魍是卑魍也亦有所偏頗不平○扶勑亦反

腫章勇反
頗普多反

子為君禮

杜禮辟君也

子過出竟君必止子

林既無大

過君必使人留行

公子地出奔陳公弗止辰為之請弗聽辰曰

是我廷吾兄也

杜廷敷也。為于偽反。廷求往反又古況反。

吾以國人出君

誰與處

林我以國人之賢者出。宋君當與誰共守其國。

冬母弟辰暨仲佗石彊

出奔陳

佗仲幾子彊褚師段子皆宋卿衆之所望故言國人。

○武叔聘于齊

杜謝致邱

也經書辰奔在聘後者從告

齊侯享之曰子叔孫若使邱在君之他

竟寡人何知焉屬與敝邑際故敢助君憂之

杜以致邱德叔孫○

屬音燭

對曰非寡君之望也所以事君封疆社稷是以

猶為也言將以為其封疆社稷之大事

敢以家隸勤君之執事

林言不敢以家臣勤

勞齊君之執事

夫不令之臣天下之所惡也君豈以為寡君賜

杜言義在討惡非所以
賜寡君。惡烏路反

經

壬寅

十有一年春宋公之弟辰及仲佗石彊公子地自

陳入于蕭以叛

杜蕭宋邑稱地例在前年

○夏四月。秋宋樂大心

自曹入于蕭

入蕭從叛人叛可知故不書叛

○冬及鄭平

杜平六年侵鄭取匡之怨

林平不書必闕天下之大故而後書書渝平以志諸侯之合書及鄭平以志諸侯之散此春秋之所以終始也

叔還如鄭泣盟

林還叔弓自孫一云叔請曾叔誤。還音旋

傳十一年春宋公母弟辰暨仲佗石彊公子地入于蕭

以叛秋樂大心從之

林樂大心九年被逐今從辰地以叛

大為宋患寵向

黜故也

惡宋公寵不義以致國患

○冬及鄭平始叛晉也

魯自僖公以來世服

於晉至今而叛故曰始

經

癸卯

十有二年春薛伯定卒

杜無傳四年盟臯鼫林襄公卒比立

○夏葬

薛襄公

無傳

○叔孫州仇帥師墮郕

杜墮毀也患其險固故毀壞其城林郕叔

孫氏之邑也費季氏之邑也叔孫州仇墮郕季孫斯墮費以是為二家之願也則以孔子之事魯也○墮許規

反下

○衛公孟彊帥師伐曹

彊孟繫子○彊苦侯反

○季孫斯仲

孫何忌帥師墮費

○費音秘

○秋大雩

無傳音過

○冬十月癸亥

公會齊侯盟于黃

杜無傳結叛晉

○十有一月丙寅朔日有食

之無傳。○公至自黃無。○十有二月，公圍成林成孟氏邑。公至。

自圍成。

杜無傳。國內而書至者，成彊若列國興動，大衆故出入皆告。廟林公行不越竟，不至至圍成，危

之也。初作三軍三分，公室而各有其一。季氏盡征之，叔孫氏臣其子弟。孟氏取其半焉。三家之彊，孟氏為有君也。莫難于墮。郕費墮成易耳。而公自將圍成，弗克。是不足與有為也。齊人歸女樂三日，不朝。是以微罪行也。

傳十二年夏，衛公孟彊伐曹，克郊。

郊曹邑。

還滑羅殿。

杜羅衛大夫。

夫。殿，丁見反。下同。

未出，不退於列。

杜未出，曹竟羅不退。在行列之後。

其御曰：「殿。」

而在列，其為無勇乎？羅曰：「與其素厲，寧為無勇。」

杜素空也。厲，猛。

也。言伐小國當如畏者以誘致之。

○仲由為季氏宰。

杜仲由子路。

將墮三都。

杜三都費即成也強威將

於是叔孫氏墮即季氏將墮

為國害故仲由欲毀之

費公山不狃叔孫輒帥費人以襲魯不狃費宰也輒不得志於叔孫氏

公與三子入于季氏之宮登武子之臺費人攻之弗克

入及公側

杜至臺下

仲尼命申句須樂頎下伐之

二子魯大夫仲尼時

為司寇○句音勛頎音祈

費人北國人追之敗諸姑蔑二子奔齊杜

子不狃叔孫輒

遂墮費將墮成公歛處父謂孟孫墮成齊人必

至于北門

成在魯北竟故

且成孟氏之保障也無成是無孟氏

也子偽不知

杜佯不知

我將不墮冬十二月公圍成弗克

經甲辰

十有三年春齊侯衛侯次于垂葭

林垂葭衛地二君將使師伐晉

次垂葭以爲之援

○夏築蛇淵圃

無傳書不時也

○大蒐于比蒲

無傳夏蒐

非時○比音昆

○衛公孟彊帥師伐曹

無傳

○秋晉趙鞅入于晉

陽以叛

杜書叛惡可知

○冬晉荀寅士吉射入于朝歌以叛杜

射士鞅子林荀寅士吉射伐趙氏鞅奔晉陽韓魏代范中行氏寅吉射奔朝歌鞅非始禍者也則曷為皆以叛書之春秋之季家有藏甲邑有百雉之城矣鞅必奔晉陽寅吉射必奔朝歌則是皆叛也○射食亦反又食夜反

○晉趙鞅歸于晉

杜韓魏請而復之故曰歸言韓魏之疆猶列國林歸易辭也樂盈魚

石猶言入至鞅而後言歸則晉無人之辭也此韓趙魏分晉之本也叛臣至於書歸則佚賊不足錄矣

薛弒其君比

杜無傳稱君君無道林比弒惠公夷立又名寅

傳十三年春齊侯衛侯次于垂葭實耶氏

杜垂葭改名耶氏高平鉅

野縣西南有耶亭○耶古閼反

使師伐晉將濟河諸大夫皆曰不可耶

意茲曰可

杜意茲齊大夫○邠彼命反又音丙

銳師伐河內

杜今河內汲郡

傳必

數日而後及絳

林傳車告晉亦必數日而後至晉之絳都○傳張戀反又直專反

絳不

三月不能出河則我既濟水矣

林晉自絳都非九十日不能出河而救河內則

我已卒事濟河而歸矣

乃伐河內齊侯皆斂諸大夫之軒

林大夫乘軒皆

收斂之以示薄罰

唯邠意茲乘軒

杜以其言當

齊侯欲與衛侯乘

共載

○乘繩證
反下同

與之宴而駕乘廣載甲馬使告曰晉師至矣

齊侯曰比君之駕也寡人請攝

林比猶待也言待衛君必駕恐緩不及事請以

已車攝代衛車○廣古曠反比必利反

乃介而與之乘驅之

林介甲也

或告曰

無晉師乃止

傳言齊侯輕所以不能成功

○晉趙鞅謂邯鄲午曰歸

我衛貢五百家吾舍諸晉陽午許諾

杜十年趙鞅圍衛衛人懼貢五百家

鞅置之邯鄲今欲徙著晉陽晉陽趙鞅邑

歸告其父兄父兄皆曰不可衛是

以為邯鄲

言衛以五百家在邯鄲當為是故與邯鄲親○為于偽反

而寘諸晉陽絕

衛之道也不如侵齊而謀之

侵齊則齊當來報欲因懼齊而徙則衛與邯鄲好不

絕乃如之而歸之于晉陽杜微如是謀而後歸衛貢趙孟怒召午而

囚諸晉陽杜趙鞅不察其謀謂午不用命故囚之使其從者說劍而入涉

賓不可涉賓午家臣不肯說劍入欲謀叛○從才用反說他活反乃使告邯鄲人曰

吾私有討于午也二三子唯所欲立午趙鞅同族別封邯鄲故使邯鄲人

更立午遂殺午趙稷涉賓以邯鄲叛稷趙夏六月上軍

司馬籍秦圍邯鄲午荀寅之甥也林午之母荀寅姊妹故為甥

荀寅范吉射之姻也壻父曰姻荀寅子娶吉射女而相與睦故不與

圍邯鄲將作亂杜作亂攻趙鞅○不與音預又如字董安于聞之安于趙氏臣

告趙孟曰先備諸趙孟曰晉國有命始禍者死為後可

也林待其先發而後應之可也

安子曰與其害於民寧我獨死杜懼見攻

必傷害民

請以我說趙孟不可

晉國若討可殺我以自解說

秋七月范氏

中行氏伐趙氏之宮趙鞅奔晉陽晉人圍之范臯夷無

寵於范吉射而欲為亂於范氏

臯夷范氏側室子○行戶郎反

梁嬰父

嬖於知文子

杜文子荀躒知音智

文子欲以為卿韓簡子與中

行文子相惡

杜簡子韓起孫不信也○惡如字又烏路反下同

魏襄子

亦與范昭子相惡

杜襄子魏舒孫曼多也昭子士吉射

故五子謀

杜五子范臯夷

梁嬰父知文子
韓簡子魏襄子

將逐荀寅而以梁嬰父代之逐范吉射

而以范臯夷代之荀躒言於晉侯曰君命大臣始禍者

死載書在河

杜為盟書沈之
河○躒力狄反

今三臣始禍而獨逐鞅刑

已不鈞矣請皆逐之冬十一月荀躒韓不信魏曼多奉

公以伐范氏中行氏弗克二子將伐公齊高彊曰三折

肱知為良醫

杜高彊齊子尾之子昭十年奔魯遂適晉
林言必三折其臂歷病痛多者然後深知

良醫治療之法○三如
字又息暫反折之設反

唯伐君為不可民弗與也我以

伐君在此矣三家未睦

杜三家
知韓魏

可盡克也克之君將誰

與若先伐君是使睦也

林是急三家使相親睦而拒我也

弗聽遂伐公

國人助公二子敗從而伐之丁未荀寅士吉射奔朝歌

韓魏以趙氏為請

林以趙鞅非始禍請復趙氏杜經所以書趙鞅歸

十二月辛

未趙鞅入于絳盟于公宮

林傳錄晉衰亂以見三家分晉之始

○初衛公

叔文子朝而請享靈公

杜欲令公臨其家

退見史鰌而告之

杜史

鰌史魚
鰌音秋

史鰌曰子必禍矣子富而君貪罪其及子乎

文子曰然吾不先告子是吾罪也君既許我矣其若之

何史鰌曰無害子臣可以免

杜言能執臣禮

富而能臣臣必免于

難上下同之

杜言尊卑皆然。難乃且反。

戍也驕其亡乎

戍文子富之子。

而不驕者鮮吾唯子之見

林我之所見惟有子耳。鮮息淺反。

驕而不亡

者未之有也戍必與焉

杜與禍難與音預。

及文子卒衛侯始惡

於公叔戌以其富也公叔戌又將去夫人之黨

杜靈公夫人南。

子黨宋朝之徒。惡烏路反。

夫人愬之曰戍將為亂

為明年戍來奔傳。

經乙巳十有四年春衛公叔戌來奔衛趙陽出奔宋

陽趙厲孫。

書名者親富不親仁。

○二月辛巳楚公子結陳公孫佗人帥師滅

頓以頓子牂歸

林頓欲事晉而絕陳好故。佗吐何反。牂子郎反。

○夏衛北宮

結來奔

杜亦黨公叔
戌皆惡之

○五月於越敗吳于槁李

杜於越
越國也

使罪人詐吳亂陳故從未陳之例書敗也槁李吳郡嘉
興縣南醉李城林此越勾踐元年也史記吳闔廬聞越
允常死興師伐越勾踐襲敗
吳師射殺闔廬○槁音醉

吳子光卒

杜未同盟而赴
以名林闔廬卒

子夫○公會齊侯衛侯于牽

杜魏郡黎陽縣東北有牽
城林齊魯為會止此晉人

差立
圍朝歌公會齊侯衛侯于脾上梁之間謀救范中行氏
也鄭得罪於王而齊挾之以叛晉范中行得罪於君而
齊挾之以挽晉景公問政
子曰君君臣臣其以是勲

公至自會

無傳

○秋齊侯宋公

會于洮

杜洮曹地
洮吐刀反

○天王使石尚來歸脤

杜無傳石
尚天子之

士石氏尚名脤祭社之肉盛以脤器以賜同姓諸侯親
兄弟之國與之共福林周魯之交止此○脤市軫反

○衛世子蒯瞶出奔宋

○蒯瞶五怪反

衛公孟彊出奔鄭

杜彊書名與蒯瞶黨罪之

○宋公之弟辰自蕭來奔

杜無傳稱宋公之弟例在十年

○大蒐于比蒲

林大蒐止此自舍中軍公不與兵政者四十年矣於是蒐比蒲則以季孫斯叔

孫州仇之墮邱費也故曰政逮於大夫四世矣故夫三桓之子孫微矣○比音毗

○邾子來會

公杜無傳會公于比蒲來而不用朝禮故曰會

○城莒父及霄

杜無傳公叛晉助范氏故

懼而城二邑也此年無冬史闕文○父音甫

傳十四年春衛侯逐公叔戌與其黨故趙陽奔宋戌來

奔

終史魚之言

○梁嬰父惡董安于謂知文子曰不殺安于

使終為政於趙氏趙氏必得晉國盍以其先發難也討

于趙氏文子使告於趙孟曰范中行氏雖信為亂安于

則發之是安于與謀亂也晉國有命始禍者死二子既

伏其辜矣敢以告

杜告使討安于。惡烏路反。知音智難乃旦反與音預。

趙孟患

之安于曰我死而晉國寧趙氏定將焉用生人誰不死

吾死莫矣乃縊而死趙孟尸諸市而告於知氏曰主命

戮罪人安于既伏其罪矣敢以告知伯從趙孟盟

杜知伯荀

躒。馬於虔反。莫音暮。縊一賜反。

而後趙氏定祀安于於廟

林祀安于於趙氏之

廟報其忠也

○頓子牂欲事晉背楚而絕陳好二月楚滅頓

傳言小不事大所以亡

○夏衛北宮結來奔公叔戌之

故也

○吳伐越

杜報五年越入吳

越子句踐禦之陳于檣李

杜句

踐越王允常子○句

句踐患吳之整也使死士再禽焉

古侯反陳直觀反

不動

杜使敗死之士往軋為吳所禽欲使吳師亂取之而吳不動

使罪人三行屬劔

於頸

杜以劔注頸○行戶郎反下同屬之欲反

而辭曰二軍有治

杜治軍旅

臣奸

旗鼓

杜犯軍令

不敏於君之行前不敢逃刑敢歸死

杜敏以不敏達在

君行陣之前不敢逃竄

遂自剄也師屬之目

杜林吳師怪其所為皆

於刑戮敢自歸死於吳

○注目而視之
○頸古頂反

越子因而伐之大敗之靈姑浮以戈擊闔

廬

姑浮越大夫

闔廬傷將指取其一屨

杜其足大指見斬遂失屨姑浮取之○將

子匠反

還卒於陘去槁李七里

釋經所以不書滅○陘音刑

夫差使人

立於庭

杜夫差闔廬嗣子○夫音扶

苟出入必謂已曰夫差而忘越

王之殺而父乎

林而汝也

則對曰唯不敢忘三年乃報越

杜後

三年袁元年林為哀元年吳入越傳○唯唯癸反舊以水反

○晉人圍朝歌公會齊

侯衛侯于脾上梁之間

杜脾上梁間即牽○脾脾支反

謀救范中行氏

杜齊魯叛晉故助范中行也

析成鮒小王桃甲率狄師以襲晉

二子晉大

夫范中行戰于絳中不克而還士鮒奔周小王桃甲入氏之黨

于朝歌秋齊侯宋公會于洮范氏故也謀救范氏○衛侯為

夫人南子召宋朝杜南子宋女也朝宋公子雋通于南子在宋呼之○為于偽反會于

洮太子蒯聵獻孟于齊過宋野杜蒯聵衛靈公太子孟邑名也就會獻之故自

衛行而過宋野野人歌之曰既定爾婁豬盍歸吾艾豭林婁豬求子豬

也得牡則定以喻南子父老也豭音加太子羞之謂戲陽速曰

從我而朝少君杜速太子家臣林少君即夫人南子○戲許宜反少詩照反少君見

我我顧乃殺之速曰諾乃朝夫人夫人見太子太子三

顧速不進夫人見其色啼而走

杜見大子色變知其欲殺已

曰蒯瞶

將殺余公執其手以登臺大子奔宋盡逐其黨故公孟

彊出奔鄭自鄭奔齊大子告人曰戲陽速禍余戲陽速

告人曰大子則禍余大子無道使余殺其母余不許將

戕於余若殺夫人將以余說余是故許而弗為以紓余

死

林我不許為之用則將殘殺於我若已殺其母南子又將殺我以自解說我是故陽許大子而不殺夫人

以紓緩諺曰民保於信

林言民必有信然後保其身

吾以信義也

杜

義可信不必信言

○冬十二月晉人敗范中行氏之師於潞

林

晉地獲籍秦高彊

二子黨范氏者終景王言籍父無後

又敗鄭師及范氏之

師于百泉

林鄭助范氏故并敗百泉鄭地

經

丙午

十有五年春王正月邾子來朝。麇鼠食郊牛牛

死改卜牛

無傳不言所食處舉死重也改卜禮也。麇音兮

○二月辛丑楚子

滅胡以胡子豹歸。○夏五月辛亥郊

無傳書過

○壬申公薨

于高寢

高寢宮名不於路寢失其所

○鄭罕達帥師伐宋。○齊侯衛

侯次于渠蔭

林渠蔭宋地不果救故書次。蔭直居反

○邾子來奔喪

杜無傳諸

侯奔喪非禮林諸侯來奔喪於是終

○秋七月壬申如氏卒

定公夫人

○八月

庚辰朔日有食之

無傳

○九月滕子來會葬

無傳諸侯會葬非禮也

○丁巳葬我君定公雨不克葬戊午日不昃乃克葬○

辛巳葬定

如辛巳十月三日有日無月

○冬城漆

邾庶其邑

傳十五年春邾隱公來朝

邾子益

子貢觀焉邾子執玉高

其容仰公受玉卑其容俯

杜玉朝者之贊

子貢曰以禮觀之二

君者皆有死亡焉夫禮死生存亡之體也

林死生存亡皆係於禮如

人之有體將左右周旋進退俯仰於是乎取之朝祀喪戎於

是乎觀之今正月相朝而皆不度

杜不合法度

心已亡矣

言心

之精爽已先亡矣

嘉事不體何以能久

林朝禮嘉事也而不得其體之正何以能久居

其位高仰驕也卑俯替也驕近亂替近疾君為主其先亡

乎

為此年公薨哀七年以邾子益歸傳

○吳之入楚也

在四年

胡子盡俘楚

邑之近胡者

杜俘取也

楚既定胡子豹又不事楚曰存亡有

命事楚何為多取費焉二月楚滅胡

傳言小不事大所以亡○費芳味反

○夏五月壬申公薨仲尼曰賜不幸言而中是使賜多

言者也

林賜子貢名杜以微知著知之難者子貢言語之士今言而中仲尼懼其易言故抑之○中丁

仲反○鄭罕達敗宋師于老丘

罕達子舊之子老丘宋地宋公子地奔鄭鄭人為之

伐宋欲取地以處
之事見哀十二年

齊侯衛侯次于遽
弔謀救宋也

林遽弔即

渠蔭○弔女居
反又女加反

○秋七月壬申
妣氏卒不稱夫人不赴

且不祔也

赴同祔姑夫人之禮三
者皆闕故不曰夫人

○葬定公雨不克襄

事禮也

杜裏成也雨而成事若汲汲於欲葬林次
日雨霽而葬得必誠必信之道故曰禮

○葬

定妣不稱小君不成喪也

公未葬而夫人薨頃於喪禮
不赴不祔故不稱小君臣子

怠慢也反哭
於寢故書葬

○冬城漆書不時告也

實以秋城冬以告
廟魯知其不時故

緩告從而書
之以示譏

左傳杜林合注卷四十六

欽定四庫全書

左傳杜林合注卷四十七

明 王道焜

趙如源 同編

哀公一

公名蔣定公之子蓋夫人定如所生諡法恭仁短折曰哀

周

敬王二十六年○敬王四十一年孔子卒魯哀公十九年敬王崩子元王立此據哀傳載敬王崩故也按諸本敬王崩皆不同或作哀十七年十八年或作哀二十年未詳孰正

鄭

聲公七年○聲公二十二年孔子卒

齊

景公五十四年○魯哀公五年景公卒安孺子荼立是年弒悼公陽生立哀十年悼公弒子簡公王立哀

十四年田常弑簡公立其弟鸛為平公而相之專其國權齊自是為田氏矣

宋

景公二十三年○景公三十八年孔子卒

晉

定公十八年○晉霸衰微魯哀公十三年會吳黃池吳始稱霸定三十三年孔子卒

衛

靈公四十一年○魯哀公二年靈公卒孫出公輒立是年六月晉納衛太子蒯聩于戚父子爭國哀十五年蒯聩入是為莊公輒出奔哀十七年莊公弑立公孫般師十二月齊伐衛立公子起執般師以歸哀十

八年衛逐起
衛侯輒復入

蔡

昭侯二十五年○魯哀公四年昭侯弑子成侯立成侯十三年孔子卒

曹

伯陽八年○魯哀公八年宋滅曹

滕頃公十六年。魯哀公四年頃公卒。
隱公虞母立哀十一年隱公卒。

陳閔公八年。魯哀公十六年楚滅陳弑閔公。

杞僖公十二年。魯哀公八年僖公卒子閔公維立。

薛惠公三年。魯哀公十年惠公卒。

莒公

邾隱公十三年。魯哀公七年魯入邾執邾子益哀八年歸吳又討邾子因諸樓臺樽之以棘使諸大夫奉

子草以為政哀十年邾子益來奔。

許元公十年。魯哀公十三年元公卒。

小邾

詳見昭公元年

楚

昭王二十二年。魯哀公六年。昭王卒。子惠王章立。哀十六年。楚白公勝殺令尹子西。攻惠王。葉公攻白

公。白公自殺。惠王復

國。哀十八年。惠王卒。

秦

惠公七年。魯哀公三年。惠公卒。悼公立。魯哀公十八年。悼公卒。子厲共公立。

吳

夫差二年。魯哀公元年。入越。棲越會稽。越行。成哀十年。吳謀伍員。哀十四年。會晉黃池。越入。吳哀二十

年。越圍吳。哀二十二年。越滅吳。

越

句踐二年。魯哀公元年。吳入越。棲于會稽。以行成。用大夫種范蠡為政。哀十四年。入吳。哀二十年。圍吳。

哀二十一年。始來聘。魯哀二十二年。滅吳。乃以兵北渡淮。與齊晉諸侯會于徐州。周元王使人賜句踐胙。

命為伯當是時越兵橫行于江淮東諸侯畢賀號稱霸王

經

丁未

元年春王正月公即位

無傳

○楚子陳侯隨侯許男

圍蔡

杜隨世服於楚不通中國吳之入楚昭王奔隨隨人免之卒復楚國楚人德之使列於諸侯故得見

經定六年鄭滅許此復見者蓋楚封之林鄭滅許矣其再見何復正矣復正有三辭莫善於自尅復者也是故襄王嘗書出已而書王則愈於敬王書人矣許嘗書滅已而書許男則愈於陳蔡書歸矣春秋善復正襄王許男則善之○飴鼠食郊牛改卜牛○夏四月辛巳郊

杜無

傳書過也不言所食所食非一處

○秋齊侯衛侯伐晉

林伐夷儀不書書次五氏伐河

內不書書次垂襲公會齊衛于牽帥狄襲晉戰于絳中猶不書也諸侯之無伯春秋誠有不忍書也必於是而

後書春秋益將終焉是故春秋之初諸侯無王者齊鄭宋魯衛也春秋之季諸侯無伯者亦齊鄭宋魯衛也

○冬仲孫何忌帥師伐邾

無傳

傳元年春楚子圍蔡報柏舉也

在定四年

里而栽

杜裁設板蔡為圍壘

周匝去蔡城一里。栽才代反又音再築牆長板

廣丈高倍

壘厚一丈高二丈。○廣古擴反夫

屯晝夜九日

夫猶兵也壘未成故令人在壘裏屯守蔡。屯徒門反

如子西之素

子西本計為壘

蔡人男女以辨

辨別也男女各別係累當用九日而成

使疆于江汝之間而還

楚欲使蔡徙國在江水之北汝水之南求田以自安也蔡權聽

命故楚師還

蔡於是乎請遷于吳

楚既還蔡人更叛楚就吳為明年蔡遷州

○疆居良反

來傳。○吳王夫差敗越于夫椒，報檣李也。杜檣李在定十四年。夫椒，吳郡。

吳縣西南大湖中。椒，山林所謂。三年乃報越。○夫音扶，檣音醉。遂入越，越子以甲楯五

千保于會稽。上會稽山也。在會稽山陰縣南。楯，食允反。又音允。會，古外反。使大夫種

因吳大宰嚭以行成。林嚭，故楚臣，奔吳為大宰，寵幸於夫差，故種因之。○種，章勇反。大音

泰，語普。鄙反。吳子將許之。伍員曰：「不可。臣聞之：『樹德莫如滋，

去疾莫如盡。』」林言樹立有德，必使滋長，除去惡疾，必使盡淨。○員音云。昔有過澆，殺

斟灌以伐斟鄩。杜澆，寒浞子，封於過者。二斟，夏同姓諸侯。襄四年傳曰：『澆用師滅斟灌。』○過，古

禾反。國名，下同。澆，五叫反。滅夏后相。夏后相，啓孫也。后又五報反。下同。鄩，音尋。夏后相失國，依於二斟。

復為澆所滅
○相息亮反

后緡方娠逃出自竇

后緡相妻娠懷身也
○緡亡巾反娠音震

又音身
實音豆

歸于有仍

后緡有仍氏女

生少康焉為仍牧正

杜牧官之長

少詩
照反

基澆能戒之

杜基毒也戒備也林能戒備其毒害○基音忌

澆使椒求之

林椒澆臣使求
少康欲殺之

逃奔有虞為之庖正以除其害

杜虞舜後諸侯

也梁國有虞縣庖正掌膳
羞之官賴此以得除已害

虞思於是妻之以二姚

杜思有虞

君也虞思自以二女妻少
康姚虞姓○妻七計反

而邑諸綸

綸音倫

有田一

成有衆一旅

杜方十里為成五百人為旅

能布其德而兆其謀

杜兆始

以收夏衆撫其官職

杜襄四年傳曰靡自有禹氏收二國之燼以滅浞而立少康

使

女艾諜澆

杜女艾少康臣諜侯也。女如字又音汝諜音牒。

使季杼誘豷

杜豷澆弟

也季杼少康子后杼也。○杼直呂反豷許罷反。

遂滅過戈復禹之績

杜過澆國戈豷國

祀夏配天不失舊物

杜物事也

今吳不如過而越大於少康

或將豐之不亦難乎

杜言與越成是使越豐大必為吳難

句踐能親而務

施施不失人

杜所加惠賜皆得其人。○施始敗反下同

親不棄勞

推親愛之誠則不遺

小與我同壤而世為仇讐於是乎克而弗取將又存之

違天而長寇讐

杜猶言天與不取。○長丁丈反下同

後雖悔之不可食已

杜食消也

姬之衰也日可俟也

杜姬吳姓言可計日而待

介在蠻夷

而長寇讐以是求伯必不行矣弗聽退而告人曰越十

年生聚而十年教訓

杜生民聚財富而後教之。伯如字又音霸。

二十年之

外吳其為沼乎

謂吳宮室廢壞當為汙池為二十二年越入吳起本

三月越及吳

平吳入越不書吳不告慶越不告敗也

嫪夷狄不與華同故復發傳

○夏四月齊侯衛侯救邯鄲圍五鹿

杜趙穆以邯鄲叛范中行氏之黨也

五鹿晉邑。邯音寒鄲音丹

○吳之入楚也

在定四年

使召陳懷公懷公

朝國人而問焉曰欲與楚者右欲與吳者左陳人從田

無田從黨

杜都邑之人無田者隨黨而立不知所與故直從所居旧在西者居右在東者居左逢

滑當公而進

杜當公不左不右

曰臣聞國之興也以福其亡也

以禍今吳未有福楚未有禍楚未可棄吳未可從而晉

盟主也若以晉辭吳若何公曰國勝君亡非禍而何

杜楚

為吳所勝

對曰國之有是多矣何必不復

林言國家有此成敗其類甚多豈必

皆亡不能復振

小國猶復況大國乎臣聞國之興也視民如傷

是其福也

杜如傷恐驚動林民歸之則天佑之此吾所謂福

其亡也以民為主

芥是其禍也

杜芥草也林斬艾民力如治土芥惟恐其不盡民怨則神怒此吾所謂禍

楚雖

無德亦不艾殺其民吳日敝於兵暴骨如莽

杜草之生于廣野莽

莽然故曰草莽。○艾魚廢反。暴步卜反。

而未見德焉。天其或者正訓楚也。

杜使懼而改過。

禍之適吳其何日之有。

言今至

陳侯從之及夫差

克越乃修先君之怨。

林召陳不至闔廬事也。故夫差為修先君之怨。

秋八月吳

侵陳修舊怨也。

傳言吳不修德而修怨所以亡。

○齊侯衛侯會于乾侯

救范氏也。師及齊師衛孔圉鮮虞人伐晉取棘蒲。

杜魯師不

書非公命也。孔圉孔烝鉏曾孫鮮虞狄帥賤故不言。

○吳師在陳楚大夫皆懼曰

闔廬惟能用其民以敗我於柏舉。今聞其嗣又甚焉。將

若之何。子西曰。二三子恤不相睦。無患吳矣。昔闔廬食

不二味居不重席室不崇壇

林平地作室不起壇也。○重直龍反。

罷不彤

鏤杜彤丹也。鏤刻也。

宮室不觀

杜觀臺榭。○觀古亂反。

舟車不飾衣服財

用擇不取費

選取堅厚不尚細靡。○費芳味反。

在國天有菑癘

杜癘疾疫也。

親巡孤寡而共其乏困在軍熟食者分而後敢食

杜必須軍

士皆分熟食不敢先食分猶徧也。○共音恭。

其所嘗者卒乘與焉

杜所嘗甘珍非常食

○乘繩證反與音預

勤恤其民而與之勞逸是以民不罷勞死知

不曠

杜知身死不見曠棄。○罷音皮。

吾先大夫子常易之所以敗我也

杜易猶反也。

今聞夫差次有臺榭陂池焉

杜積土為高曰臺有木曰榭過再宿

曰次林鄭澤曰腹積水曰池言夫差三宿有妃嬙嬪御宿以上即備臺池之樂。腹彼宜反。

馬林妃嬙貴者嬪御賤者皆內官言夫差一宿之寓亦備子女之奉。嬙在羊反嬪毗人反。一日之

行林一日所行之地。所欲必成玩好必從珍異是聚觀樂是務

視民如讐而用之日新林用之爭戰日新夫先自敗也

已安能敗我杜為二十二年越滅吳起本。夫音扶。○冬十月晉趙鞅伐

朝歌杜討范中行氏

經戊申二年春王二月季孫斯叔孫州仇仲孫何忌帥師

伐邾取鄆東田及沂西田杜邾人以賂取之易也林見三家之專兵權也。○鄆火號

反又音郭 癸巳叔孫州仇仲孫何忌及邾子盟于句繹杜句邾

地取邑盟以要之林自是內外盟皆不書不足書也○句古侯反 ○夏四月丙子衛侯元

卒杜定四年盟卑馳○靈公卒蒯瞶之子輒立 ○滕子來朝杜無傳滕朝止此 ○晉

趙鞅帥師內衛世子蒯瞶于戚林于戚內弗受也輒拒父也後十二年而蒯瞶

自戚入于衛衛侯輒來奔則是輒拒父也 ○秋八月甲

戌晉趙鞅帥師及鄭罕達帥師戰于鐵鄭師敗績杜皆陳曰

戰大崩曰敗績鐵在戚城南罕達子皮孫 ○冬十月葬衛靈公無傳七月而葬緩 ○

十有一月蔡遷于州來畏楚而請遷故以自遷為文 蔡殺其大夫公

子駟懷土而欺大國故罪而書名

傳二年春伐邾將伐絞

絞邾邑

邾人愛其土故賂以漵沂

之田而受盟○初衛侯遊于郊子南僕

子南靈公子公邾也僕御也

公

曰余無子將立女

杜蒯瞶奔無大子○女音汝

不對他日又謂之對

曰邾不足以辱社稷君其改圖君夫人在堂三揖在下

杜三揖卿大夫士林三揖者孤卿特揖大夫以其等旅揖士旁三揖見周禮司士

君命祗辱

言立

適當以禮與外內同之今君又夏衛靈公卒夫人曰命

命事必不從適為辱○祗音支

夏

衛靈公卒夫人曰命

公子邾為太子君命也對曰邾異於他子

杜言用意不同

且君

沒於吾手

林靈公沒時我在其左右

若有之郢必聞之

言當以臨沒為正

且

亡人之子輒在

杜輒蒯賁之子出公也靈公適孫

乃立輒六月乙酉晉

趙鞅納衛太子于戚宵迷

林夜行迷路

陽虎曰

林陽虎奔晉趙氏

右

河而南必至焉

杜是時河北流過元城界戚在河外晉軍已渡河故欲出河右而南

使大

子綏

綏者始發喪之服○綏音問

八人衰經偽自衛逆者

欲為衛人逆故衰經

成服○衰七雷反經田結反

告于門哭而入遂居之

林告於戚之邑門舉衰而後入

遂居于戚蓋輒以子拒父不受也

○秋八月齊人輸范氏粟

林范氏久居朝歌糧

食不足故齊以粟輸之

鄭子姚子般送之

杜子姚罕達子般駟弘○般音班

士吉

射逆之趙鞅禦之過於戚陽虎曰吾車少以兵車之旆

與罕駟兵車先陳

杜旆先驅車也以先驅車益以兵車以示衆林罕駟即子姚子般○陳直

覲罕駟自後隨而從之彼見吾貌必有懼心杜晉人先陳鄭人隨

之不知其虛實見車多必懼於是乎會之杜會合戰必大敗之從之卜戰

龜焦

兆不成

樂丁曰詩曰爰始爰謀爰契我龜

杜樂丁晉大夫詩大

雅言先人事後卜筮○契苦計反又苦結反

謀協以故兆詢可也

杜詢諮詢也故兆始

納衛大子卜得吉兆言今既謀同可不須更卜○謀協以故兆絕句

簡子誓曰范氏中行

氏反易天明

林反易天之明德不事其君

斬艾百姓欲擅晉國而滅

其君寡君恃鄭而保焉

林晉國恃鄭以保守其國。父魚廢反。

今鄭為不

道棄君助臣二三子順天明從君命經德義

林經常其助順之德

義除詬恥在此行也克敵者上大夫受縣下大夫受郡

杜周書作雒篇千里百縣縣有四郡。詬呼豆反。又音苟。

士田十萬

杜十萬畝也。

庶人工

商遂

得遂仕進

人臣隸圉免

杜去廝役

志父無罪君實圖之

杜志父趙

簡子之一名也言已事濟君當圖其賞。○父音甫服云趙鞅入晉陽以叛後得歸改名志父春秋仍舊猶書趙

鞅

若其有罪絞縊以戮

杜絞所以縊人

物 桐棺三寸不設屬辟

杜屬辟棺之重數林棺用難朽之木桐木易壞故以為罰夫子制于中都棺四寸三寸亦罰也屬次大棺也辟

拖棺也王棺四重被水牛及兕之革為一重辟為二重屬為三重棺為四重君再重屬與辟為一重大棺為

二重大夫一重無辟唯屬與大棺為一重今云不設辟者僭君制耳非正禮也○屬音燭辟步履反素車

樸馬

杜以載柩樸普角反

無入于兆

杜兆葬域

下卿之罰也

林為衆設賞自

設罰所以能克敵

甲戌將戰郵無恤御簡子衛太子為右

杜郵無恤

王良也

登鐵上

鐵丘名

望見鄭師衆太子懼自投于車下子

良授太子綏

林子良即王良

而乘之曰婦人也

杜言其怯

簡子巡列

曰畢萬匹夫也七戰皆獲有馬百乘死於牖下

杜畢萬晉獻公

卿也皆獲有功死於牖下言得壽終○乘繩證反

羣子勉之死不在寇

杜言有命繁

羽御趙羅宋勇為右

杜三子晉大夫

羅無勇麋之

杜麋束縛也林趙羅無勇

不能乘車束縛趙羅使在於車○麋丘隕反

吏詰之御對曰疝作而伏

趙羅言

疝瘰疾作而伏故束縛之○詰起吉反疝詩占反

衛太子禱曰曾孫蒯瞶敢昭

告皇祖文王

杜周文王皇大也

烈祖康叔

杜烈顯也

文祖襄公

杜總業守

文故曰文祖蒯瞶襄公之孫

鄭勝亂從

勝鄭聲公名釋君助臣為從於亂

晉午在難

林午晉定公名國有叛臣為在於難○難乃旦反

不能治亂使鞅討之

杜鞅簡子名

蒯瞶不敢自佚備持矛焉

杜戎右持矛

敢告無絕筋無折骨

無面傷以集大事無作三祖羞

林徽福子神無中戈矛斬絕筋脈無使車馬損

折骨肉無中弓矢傷損面目集成
軍旅之大事無作我三祖之羞恥
大命不敢請佩玉不

敢愛杜不敢愛故以祈禱鄭人擊簡子中肩斃于車中杜斃踣也中肩丁

仲獲其蠶旗蠶旗旗名○天子救之以戈林蒯賁為車右故以戈救

簡子鄭師北獲溫大夫趙羅羅無勇故鄭師雖北猶獲羅天子復伐之

鄭師大敗獲齊粟千車趙孟喜曰可矣杜趙孟簡子也喜大子前怯今

更傳使曰雖克鄭猶有知在憂未艾也杜傳使簡子屬也言知氏將為

難後竟有晉陽之患○使素口初周人與范氏田公孫反知音智艾魚廢反又五蓋反

虎稅焉虎范氏臣為范氏收周人所與田之稅○虎武江反趙氏得而獻之林趙氏之

衆得苞以獻於趙簡子吏請殺之趙孟曰為其主也何罪止而與

之田

還其所稅。為于偽反。

及鐵之戰以徒五百人宵攻鄭師取

蠶旗於子姚之幕下

林取鄭師所獲之蠶旗於鄭罕達帳幕之下。

獻曰請報

主德追鄭師姚般公孫林殿而射前列多死

林晉前列姚般子

姚子般。殿丁電反射食亦反。

趙孟曰國無小

杜言雖小國猶有善射者。

既戰簡子

曰吾伏弋嘔血

弋弓衣嘔吐也。吐刀反嘔烏口反。

鼓音不衰今日我

上也

杜功為上。

大子曰吾救主於車退敵於下我右之上也

邾良曰我兩將絕吾能止之

林在胸曰邾言我馬之兩將皆將斷絕吾能止。

使不絕。○我御之上也。駕而乘材，兩靳皆絕。林乘載也，材橫木，明

細小也。駕馬而載，細小之橫木，使簡子觀之，兩靳同。時皆絕，以明止使不絕之功。傳言簡子不讓，下自伐。○

吳洩庸如蔡，納聘而稍納師。師畢，入衆知之。林洩庸，吳大夫。杜元

年蔡請遷于吳，中悔，故因聘襲之。○洩息列反。蔡侯告大夫，殺公子駟，以說殺

駟以說吳言不哭而遷墓。將遷與先君辭故哭。冬，蔡遷于州來。

經已。三年春，齊國夏衛石曼姑帥師圍戚。杜曼姑為子圍父，知其不

義故推齊使為兵首，戚不稱衛，非叛人林蒯聩在戚而齊偕衛以圍之。父子之義，景公未之察也。○曼音萬。

○夏四月甲午地震。無傳。○五月辛卯，桓宮僖宮災。天火曰災。

○季孫斯叔孫州仇帥師城啟陽

杜無傳魯黨范氏故懼晉比年四城啟陽

今琅邪開陽縣

○宋樂髡帥師伐曹

無傳○髡若孫反

○秋七月丙子

季孫斯卒○蔡人放其大夫公孫獵于吳

無傳公子駟之黨

冬十月癸卯秦伯卒

杜無傳不書名未同盟林惠公卒悼公立

○叔孫州仇

仲孫何忌帥師圍邾

無傳

傳三年春齊衛圍戚求援于中山

杜中山鮮虞

○夏五月辛

卯司鐸火

司鐸官名

火踰公宮桓僖災

杜桓公僖公廟

救火者皆曰

顧府

林顧府庫之藏言常人愛財

南宮敬叔至命周人出御書俟于

官

杜敬叔孔子弟子南宮适周人司周書典籍之官御書進於君者也使持命於宮

曰庀女而

不在死

林庀具也言具汝所職而有不

子服景伯至命

宰人出禮書

杜景伯子服何也宰人家宰之屬

以待命命不共有常刑

杜待求之命

校人乘馬巾車脂轄

杜校人掌馬巾車掌車乘馬使四四相從

○共音恭

為駕之易林以脂膏轄為行之易

百官官備林國之百官各備其

○校戶教反乘繩證反下皆同

官府庫慎守官人肅給

杜國有大災恐有變難故慎為備

濟濡帷幕鬱

攸從之

杜鬱攸火氣也濡物於水出用為濟林從火氣而為之備○濟子細反又于禮反攸音由

葺公屋

杜以濡物冒覆公屋

自大廟始外內以悛

杜悛次也先尊後卑以次救之

○悛七
全反

助所不給有不用命則有常刑無赦公甫文伯

至命校人駕乘車

林乘車公車也
駕之備緩急

季桓子至御公立于

象魏之外

杜象魏
門闕

命救火者傷人則止財可為也

杜火
勢傷

人則止勿救有財則可
為不欲重財而輕民命

命藏象魏

周禮正月縣教令之
法于象魏使萬民觀

之故謂其
書為象魏

曰舊章不可亡也富父槐至曰無備而官辦

者猶拾藩也

林槐富父終生之後藩汁也備豫無素而
欲責辦於官猶拾汁終不可得○父音甫

藩尺於是乎去表之橐

表表火道風所
向者去其橐積

道還公宮

開除
道周

匪公官使火無相連○還
本又作環戶闕反又音惠

孔子在陳聞火曰其桓僖乎

言桓僖親盡而廟不毀宜為天所災

○劉氏范氏世為婚姻

劉氏周卿士范氏晉大夫

萇弘事劉文公

杜為之屬大夫

故周與范氏趙鞅以為討

杜責周與

范氏六月癸卯周人殺萇弘

終違天之禍

○秋季孫有疾命正

常曰無死

正常桓子之寵臣欲付以後事故敕令勿從已死

南孺子之子男也

則以告而立之

杜南孺子季桓子之妻言若生男告公而立之

女也則肥也可

杜肥康子也

季孫卒康子即位既葬康子在朝

杜在公朝也

南氏

生男正常載以如朝告曰夫子有遺言命其圉臣曰

林夫

子謂季桓子圉臣正常自稱以為養馬之僕

南氏生男則以告於君與大夫

而立之今生矣男也敢告遂奔衛康子請退杜退辟位也公

使共劉視之共劉魯大夫共音恭則或殺之矣乃討之討殺者召

正常正常不反畏康子也傳備言季氏家事○冬十月晉趙鞅圍朝

歌師于其南范中行所在荀寅伐其俘杜伐其北郭圍郭芳夫反使其

徒自北門入已犯師而出杜荀寅使在外救已之徒擊趙氏圍之北門用外內攻得

出癸丑奔邯鄲林趙稷以邯鄲叛黨於范氏故荀寅等奔之十一月趙鞅殺

士臯夷林士臯夷即定十三年范臯夷惡范氏也惡范氏而殺其族言遷怒○惡烏路反

經庚戌四年春王二月庚戌盜殺蔡侯申杜賤者故稱盜不言弑其君賤

盜也林昭侯殺子成侯立○殺申志反案宣十七年蔡
侯申卒是文侯也今昭侯是其玄孫不容與高祖同名

未詳何者誤也蔡公孫辰出奔吳杜弑君賊之黨故書名林書公薨夫人姜氏孫于邾公子

慶父出奔莒則夫人慶父與聞乎弑矣書盜殺○葬秦
蔡侯申公孫辰出奔吳則公孫辰與聞乎殺矣○葬秦

惠公無傳○宋人執小邾子杜無傳邾子無道於其民故稱人以執○夏蔡

殺其大夫公孫姓公孫霍皆弑君黨姓音生○晉人執戎蠻子

赤歸于楚杜晉恥為楚執諸侯故稱人以告若蠻子不道於其民也赤本屬楚故言歸林晉執戎蠻

子不歸天子而歸干楚是京師楚也○城西郭無傳魯西郭備晉也○六月辛丑亳

社災杜無傳天火也亳社殷社諸侯有之所以成亡國林亡國之社有屋使不得上通於天故災

秋八月甲寅滕子結卒

杜無傳同盟於皐鼫林頃公卒隱公虞母立

○冬十

有二月葬蔡昭公

無傳亂故是以緩

○葬滕頃公

無傳頃音傾

傳四年春蔡昭侯將如吳諸大夫恐其又遷也承

杜承音懲

蓋楚言

公孫翩逐而射之入於家八而卒

杜翩蔡大夫射食亦反下同

以兩矢門之衆莫敢進

杜翩以矢自守其門

文之錯後至

杜錯蔡大夫

錯音楷又音皆又客駭反

曰如牆而進多而殺二人

林使衆人並行如牆俱進翩以

兩矢多則殺二人少不能也

錯執弓而先翩射之中肘錯遂殺之故

逐公孫辰而殺公孫姓公孫盱

林盱即霍也○中丁仲反盱兄于反○夏

楚人既克夷虎

夷虎蠻夷叛楚者

乃謀北方左司馬販申公壽

餘葉公諸梁致蔡於負函

地三子楚大夫也此蔡之故地人民楚因為邑致之者

會其衆也。販普版反

致方城之外於繒闕

杜負函繒闕皆楚地

又匹姦反葉始涉反

繒才

曰吳將沂江入郢

逆流曰沂

將奔命焉為一昔之期

襲梁及霍

林一昔一夜也杜偽辭當備吳夜結期明日使襲梁霍使不知之梁河南梁縣西南故城

也梁南有霍陽山皆蠻子之邑也

單浮餘圍蠻氏蠻氏潰

杜浮餘楚大夫。單音善

蠻子亦奔晉陰地

陰地河南山北自上雒以東至陸渾

司馬起豐析與狄

戎杜楚司馬服也析縣屬南鄉郡析南

有豐鄉皆楚邑發此二邑人及戎狄以臨上雒左師

軍于菟和

杜菟和山在上雒東也。菟音徒。

右師軍于倉野

杜倉野在上雒縣。

使謂陰地之命大夫士蔑

杜命大夫別縣監尹。

曰晉楚有盟好惡

同之若將不廢寡君之願也不然將通於少習以聽命

杜少習商縣武關也。將大開武關道以伐晉。少詩照反。

士蔑請諸趙孟趙孟曰晉

國未寧安能惡於楚必速與之

杜未寧時有范中行之難。

士蔑乃致

九州之戎

杜九州戎在晉陰地陸渾者。

將裂田以與蠻子而城之

林許

將為之築城。

且將為之卜

杜卜城。為于偽反。

蠻子聽卜遂執之與其

五大夫以畀楚師于三戶

杜今丹水縣北三戶亭林此經所以書歸于楚。

司馬

致邑立宗焉以誘其遺民

杜楚復詐為蠻子作邑立其宗主

而盡俘以

歸。秋七月齊陳乞弦施衛寧跪救范氏

杜陳乞僖子弦施弦多。

齊衛黨范中

庚午圍五鹿

五鹿晉邑

九月趙鞅圍邯鄲

林范中行

行故救之

所冬十一月邯鄲降荀寅奔鮮虞趙稷奔臨

臨晉邑。降戶江反

十二月弦施逆之遂墮臨

林遂墮臨邑以處趙稷。墮許規反

國夏伐晉

取邢任欒鄆逆時陰人孟壺口

杜八邑晉地欒在趙國平棘縣西北鄆即高邑

縣也路縣東有壺口關。任音壬鄆呼洛反時音止

會鮮虞納荀寅于柏人

杜晉邑也

今趙國伯人縣也
弦施與鮮虞會也

經辛亥五年春城毗無傳備○夏齊侯伐宋無傳○晉趙鞅

帥師伐衛林衛助范氏故○秋九月癸酉齊侯杵臼卒杜再同盟也○

景公卒安孺子荼立○冬叔還如齊閏月葬齊景公無傳

傳五年春晉圍柏人荀寅士吉射奔齊初范氏之臣王

生惡張柳朔言諸昭子使為柏人杜為柏人宰也昭子范吉射也○惡烏路

反下昭子曰夫非而讐乎對曰私讐不及公杜公家事也○夫

音扶好不廢過惡不去善義之經也臣敢違之及范氏出

杜出柏人之齊張柳朔謂其子爾從主勉之我將止死

○好呼報反

林使其子從吉射出奔勉盡忠力已將止此距戰以死

王生授我矣

杜授我死節

吾不

可以僭之

林僭不信也

遂死於柏人

杜為吉射距晉戰死

○夏趙鞅伐

衛范氏之故也遂圍中牟

杜衛助范氏故也

○齊燕姬生子不

成而死

杜燕姬景公夫人不成未冠也○燕于賢反

諸子鬻如之子荼嬖

杜諸

子庶公子也鬻如景之妾荼安孺子○荼音舒又音徒嬖必計反

諸大夫恐其為太子

也言於公曰君之齒長矣未有太子若之何公曰二三

子間於憂虞則有疾疢亦姑謀樂何憂於無君

林言諸大夫當

國家閒暇而無憂虞則恐疾疢不得為樂亦且謀為歡樂之事杜景公意欲立荼而未發故以此言塞大夫請

○長丁丈反間音閑又音間
廁之間疲勅覲反樂音洛

公疾使國惠子高昭子立

荼

杜惠子國夏昭子高張

寘羣公子於萊

杜萊齊東鄙邑

秋齊景公卒冬

十月公子嘉公子駒公子黔奔衛公子鉏公子陽生來

奔

皆景公子在萊者○黔巨庶反又音琴

萊人歌之曰景公死乎不與埋

三軍之事乎不與謀師乎師乎何黨之乎

杜師衆也黨所也之往也

稱謚蓋葬後而為此歌哀

羣公子失所○與音預

○鄭駟秦富而侈嬖大夫也

而常陳御之車服於其庭

林示其富侈

鄭人惡而殺之子思

曰詩曰不解于位民之攸墜

杜子思子產子國參也詩大雅攸所也墜息也林言

不敢解怠於其職位民之所安息也此言與
民同樂○惡烏路反解佳賣反堅許罷反
不守其位

而能久者鮮矣商頌曰不僭不濫不敢怠皇命以多福

林賞不僭差及於無功罰不淫濫及於無罪不敢怠惰
暇逸故能膺天命以受多福杜僭差也濫溢也皇暇也

言駟秦違詩商頌故
受禍○鮮息淺反

經子六年春城邾瑕

杜無傳備晉也任城
亢父縣北有邾婁城

○晉趙鞅帥

師伐鮮虞○吳伐陳○夏齊國夏及高張來奔

杜二子
阿君廢

長立少既受命又不
能全書名罪之也

○叔還會吳于祖

無傳○祖
莊加反

○秋

七月庚寅楚子軫卒

杜未同盟而赴以名林昭王卒
惠王立○軫之惡反史記作珍○

齊陽生入于齊

杜為陳乞所逆故書入林衛侯入于夷儀衛甯喜弒其君剽則喜為衛侯弒也

齊陽生入于齊齊陳乞弒其君荼則乞為陽生弒也

齊陳乞弒其君荼

杜弒荼者朱毛與陽

生也而書陳乞所以明乞立陽生而荼見弒則禍由乞始也楚比劫立陳乞流涕子家憚老皆疑於免罪故春

秋明而書之以為弒主林荼弒悼公陽生立

○冬仲孫何忌帥師伐邾

無傳

宋向巢帥師伐曹

無傳

傳六年春晉伐鮮虞治范氏之亂也

四年鮮虞納荀寅于柏人

○吳

伐陳復修舊怨也

元年未得志故也

楚子曰吾先君與陳有盟

不可以不救乃救陳師于城父

杜陳盟在昭十三年○父音甫

○齊陳

乞偽事高國者

高張國夏受命立於陳乞欲害之故先偽事焉

每朝必駢乘焉

所從必言諸大夫

林凡所從行陳乞必言諸大夫之罪過○乘繩證反

曰彼皆偃

蹇將棄子之命

杜偃蹇驕傲

皆曰

林詐作諸大夫之言

高國得君

杜得君寵

也必偏我盡去諸固將謀子子早圖之圖之莫如盡滅

之需事之下也

杜需疑也

及朝則曰彼虎狼也

杜彼謂諸大夫

見我

在子之側殺我無日矣請就之位

杜欲與諸大夫謀高國故求就之

又

謂諸大夫曰二子者禍矣

林言高國二子將召禍矣

恃得君而欲謀

二三子曰國之多難貴寵之由盡去之而後君定既成

謀矣盍及其未作也先諸作而後悔亦無及也大夫從

之夏六月戊辰陳乞鮑牧

牧鮑國孫難乃旦反

及諸大夫以甲

入于公宮昭子聞之與惠子乘如公

林昭子即高張惠子即國夏○乘繩

證戰于莊敗

高國敗也莊六軌之道

國人追之國夏奔莒遂及高

張晏圍弦施來奔

國晏嬰之子國施不書非卿

○秋七月楚子在城

父將救陳卜戰不吉卜退不吉王曰然則死也再敗楚

師不如死

杜前已敗於柏舉今若退還亦是敗

棄盟逃讐

杜棄先君好陳之盟晉逃吳人

累世之仇讐

亦不如死死一也其死讐乎命公子申為王不

可則命公子結亦不可則命公子啟

杜申子西結子期啟子閭皆昭王兄

五辭而後許

杜子閭五辭不肯而後許王以立

將戰王有疾庚寅昭王

攻大冥卒于城父

大冥陳地吳師所在

子閭退曰君王舍其子而

讓羣臣敢忘君乎從君之命順也

杜從命許立舍音捨

立君之

子亦順也二順不可失也與子西子期謀潛師閉塗逆

越女之子章立之而後還

杜潛師密發也閉塗不通外使也越女昭王妾章惠王

是歲也有雲如衆赤鳥夾日以飛三日楚子使問諸周

太史周太史曰其當王身乎

日為人君妖氣守之故以為當王身雲在楚上唯楚

見之故禍不及他國。○大音泰

若禳之可移於令尹司馬

○杜禳禳祭王

曰除腹心之疾而寘諸股肱何益

林腹心昭王自喻股肱以喻令尹司馬

不穀不有大過天其天諸有罪受罰又焉移之

林不穀諸侯謙

稱言我若無大過失天必不令我夭折以死若因有罪而受夭折之罰又安得而移易其罰。○天於表反焉於

度遂弗禳初昭王有疾卜曰河為崇王弗祭大夫請祭

諸郊王曰三代命祀祭不越望

諸侯望祀竟內山川星辰。○崇息遂反竟音境

江漢睢漳楚之望也

○杜四水在楚界睢七餘反

禍福之至不是過

也林所以能降禍福於楚國者不過竟內之山川星辰而已不穀雖不德河非所獲

罪也

杜無由得罪於河而受其禍罰

遂弗祭孔子曰楚昭王知大道矣

其不失國也宜哉夏書曰惟彼陶唐帥彼天常

杜逸書言堯循

天之

有此冀方

林堯都平陽舜都蒲坂禹都安邑皆在冀州有此冀方實自堯始

今失

其行亂其紀綱乃滅而亡

杜滅亡謂夏桀也唐虞及夏同都冀州不易地而亡出於

不知大道故○行如字又下孟反

又曰允出茲在茲

杜又逸書言信出已則福亦在已林

允信

由已率常可矣

林此二句乃孔子合論楚昭王以合書文言人能信由已出以帥天

常可以

不亡矣○八月齊邴意茲來奔

杜高國黨

陳僖子使召公子

陽生

林陳僖子即齊陳乞杜召在七月今在八月下記事之次

陽生駕而見南郭且

于林且于即齊公子鉏前年與陽生同奔居魯南郭謂之南郭且于○且子餘反曰嘗獻馬於

季孫不入於上乘林馬不良不得入於上乘○乘繩證反故又獻此請與

子乘之畏在家人聞其言故欲二人共載以試馬為辭出萊門而告之故杜魯郭門

也闕止知之先待諸外杜闕止陽生家臣子我也公子

曰事未可知反與壬也處杜壬陽生子簡公戒之遂行杜戒使無洩言

逮夜至於齊國人知之杜故以昏至不欲令人知也僖

子使子士之母養之杜隱於僖子家內子士母僖子妾與饋者皆入陳僖

子又令陽生隨饋食之人入處公宮冬十月丁卯立之將盟盟諸大夫鮑子醉

而往其臣差車鮑點

點鮑收臣也差車主車之官。差所宜反。

曰此誰之命

也

杜言立陽生出於誰之命令

陳子曰受命于鮑子遂誣鮑子曰子

之命也

杜見其醉故誣之

鮑子曰女忘君之為孺子牛而折其

齒乎而背之也

杜孺子茶也景公嘗銜繩為牛使茶牽之茶頓地故折其齒。女音汝背音佩

悼公稽首

杜悼公陽生

曰吾子奉義而行者也若我可不

亡一大夫

杜言已可為君必不怨鮑子

若我不必亡一公子

杜公

子自謂也恐鮑子殺已故要之

義則進否則退敢不惟子是從廢興無

以亂

林或廢或立勿以其亂

則所願也鮑子曰誰非君之子乃受

盟

杜言陽生亦君之子固可立

使胡姬以安孺子如賴

杜胡姬景公妾也賴齊邑

安號也

去鬻如茶之母

殺王甲拘江說囚王豹于句賁之丘

杜三子景公嬖臣茶之黨也林或拘或囚文之變也○說音悅句音鉤

公使朱毛告於陳

子

杜朱毛齊大夫

曰微子則不及此然君異於罷不可以二罷

二不匱君二多難

林人之置君與置罷不同國但一君不可以兩罷有副二更迭為用不至

匱乏國有兩君彼此嫌疑多至禍難○匱其位反難乃旦反

敢布諸大夫僖子不對

而泣曰君舉不信羣臣乎

舉皆也

以齊國之困困又有憂

杜內有饑荒之困又有兵革之憂

少君不可以訪是以求長君庶亦能

容羣臣乎

林庶幾長君閱歷多而識見明亦能與羣臣相容。少詩照反長丁文反

不然夫

孺子何罪毛復命公悔之

杜悔失言。夫音扶

毛曰君大訪於陳

子而圖其小可也

杜大謂國政小謂殺荼

使毛遷孺子於駘不至

殺諸野幕之下葬諸爰冒淳

杜恐駘人不從故毛駐於野張帳而殺之駘齊邑爰

冒淳地名實以冬殺經書秋者史書秋記始事遂連其死通以冬告魯。駘他才反又徒來反爰音殊

左傳杜林合注卷四十七